



Nuuk 20. januar 2015

UPA 2015/38

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppaa:

Kommunini sulisut meeqqanik inuusuttunillu ajornartorsiuteqartunik tunngasunik oqaloqatigiinnissat siunertaralugit sulisut pineqartut qanoq assigiinngitsunik amerlatigisunik, kiisalu suliassiissutinik sulinerminnilu qanoq nammataqartiginersut, taamatullu suliassanut nukissanik naammaattunik peqartitsinersoq, kiisalu isumaginnittunut suliassat qanoq amerlassuseqarnissaat pillugu periarfissaqarneris, tamannalu pissusissamisoortuunersoq pillugit oqaloqateqarnissaq.

Naalackersuisut peqquneqarnissaannik Inatsisartut aalajangiiffigisassaattut siunnersuut. Naalackersuisut misissuinerisa naliliinerisalu inernerana nalunaarusiorneqarluni kingusinnerpaamik 1. april 2016 Inatsisartunut tunniunneqassaaq.

(Inatsisartunut ilaasortaqaq Aaja Chemnitz Larsen, Inuit Ataqatigiit)

Tunngavilersuut

Inatsisartut inatsisiliortuupput, kommuninilu inatsisit isumaginninnermut tunngasut naapertorlugit naammassinnissat ingerlatsinissallu akisussaaffigineqarluni. Ukiuni kingullerni misilittakkat takutippaat meeqqat inuusuttullu amerliartortut pisortaqaqarfinnut isumaginnernik aallussaqaqartunit immikkut isumagisariaqartut amerliartortut.

Meerarpassuit inuusuttorpassuillu angerlarsimaffiup avataanut inissinneqartarput, allatulli ikiorserneqartaratik kommunillu Namminersorlutik Oqartussanillu nakkutilliinerit ilaatigut naammaginartumik ingerlanneqartaratik. Tamanna meeqqanut immikkut pisariaqartitsisunut tuttarpoq.

Ukiarmi 2014-imi qineqqusaarnerup nalaani isumaginninnikkut siusissumik iliuuseqartarnissap pitsaanerusumik ingerlanneqarnissaata pisariaqartinnera tamanit isumaqatigineqarluni oqaatigineqartarpoq. Ilaatigut meeqqat inuusuttullu inuuniarnerminni atugaat ajorluinnartuusut tusarliunneqartarpoq, taakkunanilu arlaatigut iliuuseqarsimasanginnerit tusartarlutigik.

Nalunaarusiassatut eqqarsaatigineqartoq susassaqaqartut akornanni, ilaatigut kommunini sulinermillu inuusutissarsiuteqartut kaattuffiisa, tassani ilaatigut inunnik isumaginnittut peqatigiiffiat NISIIP ukiuni kingullerni tamannarpiaq pillugu sorsuutiginnissimasoq eqqarsaatigineqarluni, akornanni suleqatigiinnikkut suliarineqartussat amerlassusernissaannut siunnersuusiornissap aalajangerneqarnissaa siunertarineqarpoq.

Taamatulli suliarisassat amerlassusaat siunnersuutigineqartussat piviusunngortinnginnerini pineqartoq annertunerisumik ilisimasaqafiusariaqarpoq.

Tassungalu atatillugu suliassat tamarmik assigiinngitsutigut immikkooruteqartarmata oqaatigisariaqarpoq, aamma tapiliullugu uagit Inatsisartuni aporaannissaq angussanngikkutsigu kommunit tamakkunatigut namminersornerat imaaliannaq akuleriffigisinnaannginnatsigu eqqaasitsissutigisariaqarluni.

Suliarisassat amerlassusissaannik siunnersuusiorneq ima atorneqarsinnaasumik kinguneqassaaq meeqqat pineqartut angerlarsimaffiup avataannut inissittariaqarsimasut ilaqutaasullu artorsartut qaninnerusumik malinnaavigineqalersinnaassammata. Aamma ima iluaqutaasumik kinguneqassaaq suliat tungaasigut aqqissorluagaanerusunik naleqqunnerusunillu pilernikkut isumaginnermik sulisoqarineqartut tigungmiinnarneqarsinnaassammata.

Tamanna meeqqanut eqqorneqartunut iluaqutaassaaq. Suliassanik ingerlatsinerup pitsanngorsarneratigut isumaginnittullu niqueqattaannginnerisigut pitsaassuseq annertusineqassaaq, tamannami ullutsinni meerarpassuusunut iluamik maannamut malunniuteqarsimanngilaq

Suliassat amerlassusinnaannik siunnersuusiormi aalajangiinissat meeqqat atugaannik ilisimannilluarneq tunngavigalugu ingerlattariaqarpoq.

Pisortanut aningaasatigut allaffissornikkullu kingunerisassat

Kommunini inunnik isumaginninnermi isumaginnittut ataasiakkaat assigiinngitsunik qassinik suliaqarnersut qulaajarneqarnissaanik siunnersuutigineartuq kinguneqartussaassaaq, kiisalu aamma isumaginninnermi suliaqartuusut qanoq annertutigisumik suliassatigut nammataqarnersut paasisaqarfigineratigut pisariaqartitat ersersinneqarussaallutik.

Kommuninut attaveqarnrit oqaloqateqarnerillu aammalu nalunaarusiornissaq ilaqutariinnermut Isumaginninnermullu Naalakkersuisoqarfiup iluani allaffissornikkut nukinik atuinissaq pisariaqartinneqassaaq. Suliassartaat ukioq naallugu suliaqarnikkut, taamatullu kr. 500.000,-inik atuinissaq naatsorsuutigineqarsinnaassaaq.

Namineerluni inuussitissarsiuteqarnermut aningaasatigut allaffissornikkullu kingunerisassat

Soqanngilaq.

Innuttaasunut aningaasatigut allaffissoornikkullu kingunerisassat

Siunnersuut innuttaasunut aningaasatigut allaffissornikkullu kinguneqartussaannngilaq. Kommuninili meeqqanik isumaginnermi suliniuteqarnernut atatillugu ataatsimut isigalugu pitsaassutsip ilorraap tungaanut ingerlanneqalernissaani toqqammaviliisussaassaaq.